



## Communicaziun a las medias

Berna 21.02.2025

---

### **Il cusseglier federal Ignazio Cassis suttascriba tschintg cunvegnas da cooperaziun cun la Rumenia**

Durant sia visita uffiziala en la Rumenia dals 19 als 21 da favrer 2025 ha il cusseglier federal Ignazio Cassis mess l'accent sin la cooperaziun tranter la Svizra e la Rumenia e suttascrib tschintg cunvegnas per realisar programs da la segunda contribuziun da la Svizra a tscherts stadis commembers da l'Uniun europeica. El ha er suttascribt l'impurtanza da promover las minoritads linguisticas e culturalas e ha participà, ensemen cun las autoritads rumenas, ad in'occurrenza ed ad in discurs a la maisa radunda a chaschun da l'Emna internaziunala da la lingua rumantscha (*Emna rumantscha*).

Energia, segirezza da las burgaisas e dals burgais, furmaziun professiunala duala e sanadad: en quests secturs ha il cusseglier federal Ignazio Cassis suttascrib tschintg cunvegnas da cooperaziun tranter la Svizra e la Rumenia. Las cunvegnas stattan en connex cun la segunda contribuziun da la Svizra a tscherts stadis commembers da l'Uniun europeica (UE). Tranter quels è er la Rumenia che survegn 221,5 milliuns francs. Da questas cunvegnas resultan programs concrets, tras ils quals differentas instituziuns svizras coopereschan cun la Rumenia, surtut fedpol u la Scola auta federala per la furmaziun professiunala. «Jau sun persvas ch'ils lioms solids tranter la Svizra e la Rumenia, surtut tras ils programs da cooperaziun, ans permettun da far frunt a las sfidas multifaras cun las qualas nus essan confruntads sin il continent europeic. Nossas contribuziuns en la Rumenia ed en l'Europa sustegnan la stabilitad ed il bainstar da l'Europa e da la Svizra», ha Ignazio Cassis suttascribt durant sia visita.

Durant ses inscunters cun il primminister Marcel Ciolacu, cun il minister da l'exteriur Emil Hurezeanu, cun il minister da finanzas Barna Tónczos ed il minister da l'educaziun, da la retschertga e da l'innovaziun Daniel David ha il schef dal Departament federal dals affars exteriurs discurrì dals projects liads a la segunda contribuziun sco er dal conflict e da la reconstrucziun da l'Ucraina, surtut pervi da la posiziun geografica strategica che la Rumenia occupa sco vischina da l'Ucraina. El ha fatg endament ils engaschis da la Svizra en quest sector, surtut il program per l'Ucraina 2025-2028 ch'il Cussegl federal ha approvà ils 12 da favrer 2025. Areguard il dossier europeic ha Ignazio Cassis menziunà la conclusiun materiala da las tractativas tranter la Svizra e l'UE. Cun quellas vul la regenza svizra stabilisar e sviluppar la via bilaterala cun l'UE.

## Il rumantsch vegn discurrì a Bucarest

Il tema da las minoritads è stà in punct culminant dal viadi dad Ignazio Cassis en la Rumenia. Ils 20 da favrer 2025 ha el participà ad in'occurrèza culturala che l'ambassada svizra en la Rumenia ed il museum naziunal dal vitg «Dimitrie Gusti» han organisà a Bucarest. Da la partida èn stads er la ministra da la lavur rumena Simona Bucura-Oprescu ed il cusseglier guvernativ dal chantun Grischun Jon Domenic Parolini. Questa saira plurilingua e multiculturala per festivar la pluralitad è vegnida organisada en il rom da la tschintgavla ediziun da l'emna internaziunala da la lingua rumantscha (*Emna rumantscha*). «Pli grondas che la malsegirtad e l'instabilitad en il mund èn e pli impurtant èsi da tgirar l'identitad dad in pajais, en tut sias cumponentas). E da trair endament la valur dal dialog e dal tadlar quellas e quels ch'èn auters che nus», ha ditg Ignazio Cassis en ses pled.

La visita uffiziala è ida a fin cun l'inscunter da las autoritads localas en il port da Constanța a la costa da la Mar Naira, nua che Ignazio Cassis ha participà ad ina maisa radunda davart l'impurtanza da las linguas minoritadas per il svilup dal territori. En questa regiun èn rapreschentadas pliras minoritads, surtut il tirc, il tatar e la lingua dals Roma. En tut èn 20 minoritads reconuschidas en la Rumenia.

Links:

[Relaziuns bilaterals Svizra-Rumenia](#)

Artigel: La 5avla ediziun da l'Emna rumantscha vegn festivada en la Rumenia

<https://www.dfae.admin.ch/eda/de/home/das-eda/aktuell/newsuebersicht/2025/02/la-5-ediziun-da-l-emna-rumantscha-visita-la-rumenia.html>

Pled

<https://www.eda.admin.ch/eda/it/dfae/dfae/organizzazione-dfae/departementsvorsteher/reden.html>